

“ТАСДИҚЛАНГАН”

Акциядорларнинг навбатдан ташқари
умумий йиғилиши қарори билан
(15.02.2023 йилдаги
баённома)



Йиғилиш раиси

А.Ш.Тўраев

**“AGRO FINANS LIZING”
aksiyadorlik jamiyati**

УСТАВИ

(янги таҳрири)

Тошкент шаҳри – 2023 йил.

I. ЖАМИЯТНИНГ ТЎЛИҚ ВА ҚИСҚАРТИРИЛГАН НОМИ ВА УНИНГ МАНЗИЛИ

1.1. "AGRO FINANS LIZING" акциядорлик жамияти (қуйида матн давомида "Жамият"), Таъсисчилар йиғилишининг қарори асосида тузилган (22.02.2006 йилдаги 1-сонли баённомаси) ва муқаддам 17.03.2006 йилда Тошкент шаҳар Чилонзор тумани ҳокимиятининг тадбиркорлик субъектларини рўйхатдан ўтказиш инспекцияси томонидан №001827-08 рақам билан давлат рўйхатидан ўтган.

1.2. "AGRO FINANS LIZING" акциядорлик жамияти барча ҳуқуқ ва мажбуриятлар бўйича aksiyadorlik jamiyati "PAHTA LIZING" lizing kompaniyasining ҳуқуқий вориси ҳисобланади.

1.3. Жамиятнинг фирма номи:

Жамиятнинг тўлиқ фирма номи:

а) Ўзбек тилида:

кирилл алифбосида - "AGRO FINANS LIZING" акциядорлик жамияти;

лотин алифбосида - "AGRO FINANS LIZING" aksiyadorlik jamiyati.

б) Рус тилида:

Акционерное общество "AGRO FINANS LIZING".

в) инглиз тилида:

Joint-stock company "AGRO FINANS LIZING".

Жамиятнинг қисқартирилган фирма номи:

а) Ўзбек тилида:

кирилл алифбосида - "AGRO FINANS LIZING" АЖ;

лотин алифбосида - "AGRO FINANS LIZING" AJ.

б) Рус тилида:

АО "AGRO FINANS LIZING".

в) инглиз тилида:

JSC "AGRO FINANS LIZING".

Жамият ўз фирма номидан фойдаланиш ҳуқуқига эга.

1.4. Жамиятнинг жойлашган ери (почта манзили): Ўзбекистон Республикаси, 100115, Тошкент шаҳри, Чилонзор тумани, 3-мавзе, 74-уй.

1.5. Жамиятнинг электрон почта манзили: info@agrofinanslizing.uz.

1.6. Жамиятнинг Интернетдаги расмий веб-сайти: agrofinanslizing.uz.

II. ЖАМИЯТНИНГ ҲУҚУҚИЙ МАҚОМИ

2.1. Жамият юридик шахс ҳисобланади ва Ўзбекистон Республикасининг амалдаги қонунчилиги ва мазкур Устав асосида ўз фаолиятини амалга оширади.

2.2. Жамият Ўзбекистон Республикаси қонунчилигида белгиланган тартибда давлат рўйхатидан ўтказилган пайтдан эътиборан юридик шахс мақомига эга бўлади, Жамият ўз мулкига, мустақил балансига, думалоқ муҳрига, фирма бланкаларига, товар белгисига ва бошқа керакли реквизитларига эга бўлади.

2.3. Жамият таъсисчилар ва акциядорларнинг Устав фондидаги улушларининг мулкдори, шунингдек унга бошқа тўловлар сифатида берилган, ўз фаолиятининг натижасида ва бошқа манбалардан олинган мулкнинг мулкдори ҳисобланади. Жамият ўз мулкига амалдаги қонунчиликнинг асосида эгалик қилади, ундан фойдаланади ва уни тасарруф этади.

2.4. Жамият ўз мажбуриятлари юзасидан ўзига тегишли барча мол-мулки билан жавобгар бўлади. Жамият давлатнинг ва ўз акциядорларининг мажбуриятлари бўйича жавобгар бўлмайди. Давлат Жамиятнинг мажбуриятлари бўйича жавобгар бўлмайди.

2.5. Жамият қонунчиликда кўзда тутилган акциядорлик жамияти ёки маъсулияти чекланган жамияти шаклдаги шўъба ва тобе хўжалик жамиятларни ташкил этишга ҳақлидир.

2.6. Жамиятнинг шўъба хўжалик жамияти жамиятнинг мажбуриятлари бўйича жавобгар бўлмайди. Жамиятнинг айби билан унинг шўъба хўжалик жамиятининг ночорлиги (банкротлиги) ҳолати юзага келганда Жамият унинг қарзлари бўйича субсидиар тартибда жавобгар бўлади.

2.7. Жамият ўз фаолиятини тўлиқ хўжалик юритиш асосида ва ўз-ўзини бошқариш принциплари асосида ташкил этади.

2.8. Жамият ўз фаолиятини Ўзбекистон Республикасининг амалдаги қонунчилиги, халқаро шартномалари асосида, мазкур Уставга амал қилган ҳолда амалга оширади.

2.9. Ўз вазифаларини бажариш пайтида Жамият қуйидаги ҳуқуқларга эга:

ўз номидан юридик ва жисмоний шахслар билан шартномаларни (контрактларни) тузиш, мулкӣ ва номулкӣ ҳуқуқларга эга бўлиш, зиммасига мажбуриятлар олиш, судларда даъвогар ва жавобгар бўлиш;

лизинг объектларини, объектларнинг ҳар хил турларини, уларни ишлаб чиқарувчиларни, сотувчилар ва етказиб берувчиларни, шунингдек лизинг олувчиларни мустақил равишда излаш ва улар билан шартномаларни тузиш;

лизинг хизматлари кўрсатилиши ва лизинг тўловларининг шартларини, шу жумладан тўловларнинг жадвалини, фоиз ставкаларини, лизинг муддатларини, таъминотнинг турларини ва миқдорини мустақил белгилаш;

лизинг хизматларини кўрсатиш пайтида анъанавий молиявий лизинг, қайтариладиган лизинг, махсус лизинг, сублизинг ва лизингнинг бошқа турларини мустақил равишда қўллаш;

банкларда ҳисоб, валюта ва бошқа турдаги ҳисобварақларни очиш;

банклар, депозитарийлар ва бошқа шахслар билан биргаликдаги фаолият тўғрисида шартномаларни тузиш;

ўз тадбиркорлик фаолияти давомида ишлаб чиқариладиган маҳсулотнинг экспортини ҳамда ўз эҳтиёжлари учун импорт операцияларини амалга ошириш;

қимматли қоғозларни қонунчилик билан белгиланган тартибда чиқариш, сотиш ва сотиб олиш;

акциядорлар умумий йиғилишининг жойлаштирилган акцияларнинг умумий сонини камайтириш мақсадида, шунингдек кейинчалик қайта сотиш мақсадида уларнинг бир қисмини сотиб олиш йўли билан жамиятнинг устав фондиди камайтириш тўғрисидаги қарорига мувофиқ ўзининг жойлаштирилган акцияларини сотиб олиш;

ўз ишларининг дастурини ва ходимларга тўланадиган иш ҳақининг миқдорини, маҳсулот ва хизматларнинг нархларини, битимлар бўйича ўзаро ҳисоб-китобларнинг тартиби ва турларини мустақил белгилаш;

биноларни, корхоналарни, транспорт воситалари ва бошқа мулкларни сотиб олиш, сотиш, ижарага бериш ва ижарага олиш;

қонунчилик билан белгиланган тартибда кредитларни олиш ва улардан фойдаланиш;

қонунчилик билан белгиланган тартибда ташқи иқтисодий фаолиятни амалга ошириш;

ўзининг асосий ва айланма маблағларига эгалик қилиш;

ўз даромадларидан (фойдасидан) турли фондларни яратиш;

Ўзбекистон Республикасининг ҳудудида ва ундан ташқарида ўз филиалларини, ваколатхоналарини, шўъба корхоналарини очиш, бошқа корхоналар ва хўжалик юритувчи субъектларнинг фаолиятида иштирок этиш;

амалдаги қонунчилик асосида ўз мулкни ва фаолиятини суғурталаш;

ички қоидаларни тасдиқлаш, амалдаги қонунчиликнинг доирасида ходимларни ишга қабул қилиш ва ишдан бўшатиш тартибини мустақил белгилаш;

ишлаб чиқариш ва молиявий имкониятларидан келиб чиқиб, Ўзбекистон Республикасининг ҳудудида ва ундан ташқарида бўлган уюшмалар, концернлар ва бошқа хўжалик бирлашмаларининг таркибига кириши, шунингдек акциядорлик жамиятларида, қўшма корхоналарда ва бошқа ташкилотларда иштирок этиши мумкин.

- 2.10. Жамиятнинг мажбуриятлари:
ўз фаолиятини Ўзбекистон Республикасининг амалдаги қонунчилиги ва мазкур Уставга мувофиқ амалга ошириш;
белгиланган тартибда бухгалтерлик ва бошқа турдаги статистик ҳисоботни юритиш;
амалдаги қонунчиликка мувофиқ тегишли ташкилотларга ўз молиявий-хўжалик фаолияти тўғрисида зарурий ҳисоботларни тақдим этиш;
лизинг хизматларини кўрсатиш юзасидан доимий мониторингни амалга ошириш, лизинг тўловларининг ҳисобини ва назоратини олиб бориш.
- 2.11. Жамиятнинг давлат органлари билан ўзаро муносабатлари Ўзбекистон Республикасининг амалдаги қонунчилиги билан белгилаб берилади.
- 2.12. Мазкур Уставнинг қоидалари Жамиятнинг бутун фаолиятининг муддати учун белгиланган.

III. ЖАМИЯТ ФАОЛИЯТИНИНГ СОҲАСИ (АСОСИЙ ЙЎНАЛИШЛАРИ), МАҚСАДИ ВА МУДДАТЛАРИ

- 3.1. Жамият фаолиятининг асосий мақсади акциядорларнинг манфаатлари йўлида фойда (даромад) олишдир.
- 3.2. Жамият фаолиятининг асосий йўналишлари қуйидагилар ҳисобланади:
турли моддий ва номоддий активларни, кўчар ва кўчмас мулкларни ўз ва (ёки) жалб қилинган маблағлари ҳисобига сотиб олиш ва уларни хўжалик юритувчи субъектларга лизинг шартномалари асосида тақдим қилиш;
лизинг хизматлари кўрсатилишининг ташкил этилиши ва амалга оширилиши бўйича консалтинг хизматларини кўрсатиш;
лизинг хизматлари кўрсатилиши бўйича меъёрий-ҳуқуқий ҳужжатларни тайёрлаш ва тарқатиш;
лизинг хизматлари кўрсатилиши соҳасида реклама фаолиятини ташкил қилиш;
Ўзбекистон Республикаси бозорини юқори сифатли халқ истеъмоли моллари, импорт ўрнини босувчи ва экспортга мўлжалланган маҳсулот билан тўлдиришга кўмаклашувчи сифатли лизинг хизматларини кўрсатиш;
лизинг олувчиларга лизинг шартлари асосида илғор технологиялар ва ускуналарни қисқа ва узоқ муддатли фойдаланишга бериш;
интенсив боғ ва тоқзорларни барпо қилиб, тайёр ҳолда (под ключ) хўжалик юритувчи субъектларга, жисмоний шахсларга лизингга бериш, сотиш;
томчилатиб суғориш, ёмғирлатиб суғориш технологияларни жорий қилган ҳолда ерларни тайёрлаш ва хўжалик юритувчи субъектларга, жисмоний шахсларга лизингга бериш, сотиш;
меҳмонхона, бизнес-марказ, клиника ва ҳоказоларни куриб, тайёр ҳолда (под ключ) хўжалик юритувчи субъектларга, жисмоний шахсларга лизингга бериш, сотиш;
ишлаб чиқаришни ташкил қилиб, тайёр ҳолда (под ключ) хўжалик юритувчи субъектларга, жисмоний шахсларга лизингга бериш, сотиш;
офислар меҳмонхоналар, ресторанлар кафе-барлар, умумий овқатланиш корхоналарини куриш, улардан фойдаланиш ва ижарага бериш;
шариат тамойилларига мувофиқ ислом молияси хизматларини кўрсатиш (ижара, лизинг, муробаҳа, мушорақа, мудораба);
қонунчиликда назарда тутилган шаклларда қарзлар бериш.
- 3.3. Жамият шунингдек Ўзбекистон Республикасининг амалдаги қонунчилигига зид келмайдиган бошқа фаолиятни амалга оширишга ҳақлидир.
- 3.4. Жамият ўзининг молиявий ва ишлаб чиқариш фаолиятини ҳам ўзининг кучлари билан ҳам, амалдаги қонунчилик ҳужжатларига зид келмайдиган шартномалар ва контрактларни тузган ҳолда, давлат ташкилотларини, корхоналарни, чет эл фирмаларини ва жисмоний шахсларни жалб қилган ҳолда амалга ошириши мумкин.

3.5. Лицензия олингани талаб этадиган фаолият Жамият томонидан тегишли лицензия олинганидан кейин амалга оширилади.

3.6. Жамият чекланмаган фаолият муддатига тузилади.

IV. УСТАВ ФОНДИНИНГ МИҚДОРИ

4.1. Жамиятнинг Устав фонди акциядорлар олган Жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади. Жамият томонидан чиқариладиган барча акциялар номинал қиймати бир хилдир.

4.2. Жамиятнинг Устав фонди унинг мол-мулкининг ўз кредиторлари манфаатларини кафолатлайдиган даражадаги энг кам миқдорини белгилайди.

4.3. Жамият Устав фондининг миқдори 407 783 004 000 (тўрт юз етти миллиард етти юз саксон уч миллион тўрт минг) сўмни ташкил қилади ва у ҳар бирининг номинал қиймати 1 000 (бир минг) сўм бўлган 407 783 004 (тўрт юз етти миллион етти юз саксон уч минг тўрт) дона оддий эгаси ёзилган ҳужжатсиз акцияларга бўлинган.

4.4. Жойлаштирилган акцияларига қўшимча тартибда 2 000 000 000 (икки миллиард) дона оддий эгаси ёзилган ҳужжатсиз акциялар миқдорида эълон қилинган акцияларни чиқаришга ҳақлидир.

V. УСТАВ ФОНДИНИ КўПАЙТИРИШ ВА КАМАЙТИРИШ ТАРТИБИ

А) Жамиятнинг Устав фондини кўпайтириш

5.1. Жамиятнинг Устав фонди кўшимча акцияларни жойлаштириш йўли билан кўпайтирилиши мумкин.

5.2. Жамиятнинг устав фондини кўшимча акцияларни жойлаштириш йўли билан кўпайтириш ва Жамиятнинг уставига тегишли ўзгартишлар киритиш тўғрисидаги қарорлар жамиятнинг кузатув кенгаши томонидан қабул қилинади.

5.3. Кўшимча акциялар Жамият томонидан фақат Жамиятнинг Уставида белгиланган эълон қилинган акциялар сони доирасидагина жойлаштирилиши мумкин.

5.4. Жамиятнинг Устав фондини кўпайтириш Ўзбекистон Республикасининг амалдаги қонунчилигига мувофиқ амалга оширилади.

Б) Жамиятнинг Устав фондини камайтириш

5.5. Жамиятнинг устав фонди акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан, акцияларнинг бир қисмини кейинчалик бекор қилган ҳолда Жамият томонидан акцияларни олиш йўли билан камайтирилиши мумкин.

5.6. Устав фондини камайтириш ва Жамиятнинг уставига тегишли ўзгартишлар киритиш ҳақидаги қарор акциядорларнинг умумий йиғилишида қабул қилинади.

5.7. Устав фондини камайтириш тўғрисида қарор қабул қилган вақтда акциядорларнинг умумий йиғилиши фондни камайтириш сабабларини кўрсатади ва уни камайтириш тартибини белгилайди.

5.8. Жамиятнинг Устав фондини камайтириш Ўзбекистон Республикасининг амалдаги қонунчилигига мувофиқ амалга оширилади.

VI. ЖАМИЯТ АКЦИЯЛАРИНИНГ ТУРЛАРИ, УЛАРНИНГ НОМИНАЛ ҚИЙМАТИ, ҲАР ХИЛ ТУРДАГИ АКЦИЯЛАРНИНГ НИСБАТИ, ЖАМИЯТНИНГ БОШҚА ҚИММАТЛИ ҚОҒОЗЛАРИ

6.1. Жамият оддий акцияларни жойлаштириши шарт, шунингдек имтиёзли акцияларни жойлаштиришга ҳақли. Бунда жойлаштирилган имтиёзли акцияларнинг

номинал қиймати жамият устав фондининг (устав капиталининг) йигирма беш фоизидан ошмаслиги керак.

6.2. Жамиятнинг акциялари оддий эгасининг номи ёзилган эмиссиявий қимматли қоғозлар ҳисобланади. Ҳар бир акциянинг номинал қиймати 1 000 (бир минг) сўм.

6.3. Акциялар мулк ҳуқуқи ёки бошқа ашёвий ҳуқуқ асосида қайси юридик ёки жисмоний шахсга тегишли бўлса, ўша юридик ёки жисмоний шахс акциянинг эгаси - Жамият акциядори деб эътироф этилади.

6.4. Оддий акцияларнинг эгалари бўлган акциядорлар қонунчилик ва ушбу Уставга мувофиқ акциядорларнинг умумий йиғилишида мазкур йиғилиш ваколатига кирадиган барча масалалар бўйича овоз бериш ҳуқуқи билан иштирок этиши мумкин, шунингдек дивидендлар олиш, Жамият тугатилган тақдирда эса, ўзларига тегишли улушга мувофиқ Жамият мол-мулкининг бир қисмини олиш ҳуқуқига эга.

6.5. Акциянинг эгаси бўлган акциядорга овозга кўйилган масалани ҳал этишда овоз бериш ҳуқуқини берадиган оддий акция Жамиятнинг овоз берувчи акциясидир.

6.6. Жамиятнинг оддий акцияларини имтиёзли акцияларга, корпоратив облигацияларга ва бошқа қимматли қоғозларга айирбошлашга йўл кўйилмайди.

6.7. Жамият қонунчиликда назарда тутилган корпоратив облигациялар ва бошқа қимматли қоғозларни чиқаришга ҳамда жойлаштиришга ҳақли.

6.8. Жамият мол-мулк билан таъминланган корпоратив облигацияларни уларни чиқариш тўғрисида қарор қабул қилиш санасидаги ўз капитали миқдори доирасида чиқаришга ҳақли.

6.9. Жамиятнинг корпоратив облигациялари Жамият акцияларига айирбошланадиган қимматли қоғозлар бўлиши мумкин.

6.10. Жамият томонидан корпоратив облигацияларни чиқариш, шу жумладан акцияларга айирбошланадиган корпоратив облигацияларни чиқариш Жамият кузатув кенгаши қарорига кўра амалга оширилади.

6.11. Жамият томонидан акцияларга айирбошланадиган корпоратив облигациялар чиқарилган тақдирда, мазкур қарор Жамият кузатув кенгашининг барча аъзолари томонидан бир овоздан қабул қилиниши керак.

6.12. Акцияларга айирбошланадиган қимматли қоғозлар Жамият томонидан жойлаштирилган тақдирда эълон қилинган акцияларнинг сони ушбу қимматли қоғозларнинг муомалада бўлиши муддати мобайнида айирбошлаш учун зарур миқдордан кам бўлмаслиги лозим.

6.13. Жамият ўзи жойлаштирган қимматли қоғозлар айирбошланиши мумкин бўлган акциялар берадиган ҳуқуқларни чеклаш ҳақида ушбу қимматли қоғозлар эгаларининг розилигисиз қарор қабул қилишга ҳақли эмас.

VII. ЖАМИЯТ АКЦИЯЛАРИНИ ЖОЙЛАШТИРИШ ТАРТИБИ ВА ШАРТЛАРИ

7.1. Жамият акцияларни ва акцияларга айирбошланадиган қимматли қоғозларни очиқ ва ёпиқ обуна воситасида жойлаштиришга ҳақли.

Акцияларнинг очиқ обунаси фақат қимматли қоғозларнинг биржа бозорида ва уюшган биржадан ташқари бозорда ўтказилади.

Кўшимча чиқарилаётган акциялар очиқ ва ёпиқ обуна усуллари билан жойлаштирилади.

7.2. Жамият томонидан Жамиятнинг кўшимча акцияларини ва бошқа эмиссиявий қимматли қоғозларини жойлаштириш муддати уларнинг чиқарилиши давлат рўйхатидан ўтказилган пайтдан эътиборан бир йилдан ошмаслиги керак. Жамиятнинг кўшимча акцияларига ушбу акцияларни чиқариш тўғрисидаги қарорда кўрсатилган жойлаштириш муддати ичида ҳақ тўланиши лозим.

7.3. Жамиятнинг акцияларини ва бошқа қимматли қоғозларини жойлаштириш чоғида уларга ҳақ тўлаш пул ва бошқа тўлов воситалари, мол-мулк, шунингдек пулда

ифодаланадиган баҳога эга бўлган ҳуқуқлар (шу жумладан мулкӣ ҳуқуқлар) орқали амалга оширилади. Қўшимча акциялар ва бошқа қимматли қоғозларга ҳақ тўлаш тартиби уларни чиқариш тўғрисидаги қарорда белгилаб кўйилали.

7.4. Жамиятнинг қўшимча акциялари ва бошқа қимматли қоғозларини жойлаштириш чоғида уларга ҳақ тўлаш уларни чиқариш тўғрисидаги қарорда белгиланганидан кам бўлмаган нарх бўйича амалга оширилади.

7.5. Жамиятнинг устав фонди кўпайтирилаётганда Жамиятнинг қўшимча акцияларига унинг ўз капитали ҳисобидан, шунингдек ҳақини қўшимча акциялар билан тўлаш тўғрисида қарор қабул қилинган дивидендлар ҳисобидан ҳақ тўланган тақдирда, бундай акцияларни жойлаштириш Жамият акцияларининг номинал қиймати бўйича амалга оширилади.

VIII. ДАРОМАДНИ (ФОЙДАНИ) ТАҚСИМЛАШ, ДИВИДЕНДЛАРНИ ТЎЛАШ ВА ЗАРАРЛАРНИ ҚОПЛАШ ТАРТИБИ

8.1. Дивиденд Жамият соф фойдасининг акциядорлар ўртасида тақсимланадиган қисмидир.

8.2. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

8.3. Дивиденд акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари билан тўланиши мумкин.

8.4. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

8.5. Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор Жамият кузатув кенгашининг тавсияси, молиявий ҳисоботнинг ишончилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади.

8.6. Дивидендларнинг миқдори Жамиятнинг кузатув кенгаши тавсия этган миқдордан кўп бўлиши мумкин эмас. Акциядорларнинг умумий йиғилиши акцияларнинг муайян турлари бўйича дивидендлар тўламаслик тўғрисида қарор қабул қилишга ҳақли.

8.7. Дивидендлар тўлаш тўғрисидаги қарорда дивидендлар тўлаш бошланадиган ва тугайдиган саналар кўрсатилган бўлиши лозим.

8.8. Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

8.9. Агар дивидендлар тўлаш оқибатида Жамиятнинг молия-хўжалик аҳволи жиддий тарзда ёмонлашадиган бўлса, дивидендлар тўлаш тақиқланади.

8.10. Дивидендлар Жамият тасарруфида қоладиган соф фойдадан ва (ёки) ўтган йилларнинг тақсимланмаган фойдасидан тўланади.

8.11. Дивидендлар тўлаш муддати ва тартиби мазкур Устав билан ёки акциядорларнинг умумий йиғилиши қарори билан белгиланади. Дивидендлар тўлаш муддати шундай қарор қабул қилинган кундан эътиборан 60 кундан кеч бўлмаслиги лозим.

8.12. Жамият тузилган шартномага мувофиқ Марказий депозитарий ва (ёки) инвестиция воситачилари орқали дивидендлар тўловини амалга ошириш ҳуқуқига эга.

8.13. Эгаси ёки унинг қонуний ҳуқуқий вориси ёхуд меросхўри даъво қилиш учун белгиланган муддатда талаб қилиб олмаган дивиденд акциядорларнинг умумий йиғилиши қарорига биноан Жамиятнинг ихтиёрида қолади.

8.14. Ўзбекистон Республикасининг норезидент акциядорлари томонидан олинган дивидендларни эркин алмаштириладиган валютага айирбошлаш қонунчиликда белгиланган тартибда амалга оширилади.

8.15. Акциядорлар реестридан олинган, эмитент томонидан тасдиқланган кўчирмалар ҳамда тўланган дивидендлар суммаси ва улар ёзилган сана тўғрисида Жамиятнинг бухгалтерияси берган маълумотнома айирбошлаш учун асос бўлади.

8.16. Дивидендларни эълон қилиш тўғрисида қарор қабул қилинган акциядорларнинг умумий йиғилишини ўтказиш учун шакллантирилган Жамият акциядорлари реестрида қайд этилган акциядорлар дивиденд олиш ҳуқуқига эга.

8.17. Жамият эълон қилган дивидендларни тўлашни акциядор суд тартибида талаб қилишга ҳақлидир.

8.18. Жамият:

Жамиятнинг устав фондининг ҳаммаси тўлаб берилгунча;
агар дивидендлар тўланадиган пайтда Жамиятда тўловга қобилиятсизлик (банкротлик) белгилари бўлса ёки дивидендлар тўлаш натижасида Жамиятда шундай белгилар пайдо бўлса;

Жамиятнинг соф активларининг қиймати унинг устав ва захира фондлари суммасидан кам бўлса, акциялар бўйича дивидендлар тўлаш (эълон қилиш) тўғрисида қарор қабул қилишга ҳақли эмас.

8.19. Жамият дивидендлар миқдорини улардан ундириладиган солиқларни инобатга олмаган ҳолда эълон қилади.

8.20. Жамият тўланадиган дивидендлар миқдори тўғрисидаги маълумотларни қонунчиликда белгиланган муддатларда оммавий ахборот воситаларида эълон қилади.

8.21. Дивидендлар Ўзбекистон Республикаси қонунчилиққа мувофиқ солиққа тортилади.

IX. ЗАХИРА ФОНДИ ВА БОШҚА ФОНДЛАРНИ ШАКЛЛАНТИРИШ ТАРТИБИ

9.1. Жамиятда унинг устав фондининг ўн беш фоизидан кам бўлмаган миқдорда Жамият захира фонди тузилади.

9.2. Жамиятнинг захира фонди мазкур Уставда белгиланган миқдорга етгунига қадар ҳар йили соф фойдадан мажбурий ажратмалар ўтказиш орқали ташкил этилади.

9.3. Ҳар йилги ажратмаларнинг миқдори мазкур Уставда белгиланган миқдорга етгунига қадар соф фойданинг беш фоизидан кам бўлмаслиги керак.

9.4. Жамиятнинг захира фонди Жамиятнинг зарарлари ўрнини қоплаш, Жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва Жамиятнинг акцияларини қайтариб сотиб олиш учун мўлжалланади.

9.5. Захира фондидан бошқа мақсадларда фойдаланиш мумкин эмас.

9.6. Захира фонди тўлиқ ёки қисман ишлатилган бўлса, унга мажбурий тўловлар тикланади.

9.7. Жамият шунингдек бошқа фондларни тузишга ҳақлидир. Ушбу фондларнинг тузилиши тўғрисидаги қарор акциядорларнинг умумий йиғилиши томонидан қабул қилинади.

X. АКЦИЯДОРЛАРНИНГ ҲУҚУҚЛАРИ ВА МАЖБУРИЯТЛАРИ

10.1. Акциядорлар:

Жамиятнинг акциядорлари реестрига киритилиш;
депо ҳисобварағидан ўзига тааллуқли кўчирма олиш;
Жамият фойдасининг бир қисмини дивидендлар тарзида олиш;
Жамият тугатилган тақдирда ўзларига тегишли улушга мувофиқ мол-мулкнинг бир қисмини олиш;

Жамиятни бошқаришда иштирок этиш;

мазкур Уставига мувофиқ Жамиятнинг молия-хўжалик фаолияти натижалари тўғрисида тўлиқ ва тўғри ахборот олиш;

олган дивидендини эркин тасарруф этиш;
қимматли қоғозлар бозорини тартибга солиш бўйича ваколатли давлат органида,
шунингдек судда ўз ҳуқуқларини ҳимоя қилиш;

қимматли қоғозлар бозорининг профессионал иштирокчилари ва эмитентларнинг
уқувсиз ёки ғаразли хатти-ҳаракатлари туфайли кўрган зарарнинг тўланишини талаб
қилиш;

ўз манфаатларини ифодалаш ва ҳимоя қилиш мақсадида уюшмалар ва бошқа
жамоат ташкилотларига бирлашиш;

қимматли қоғозлар сотиб олиш вақтида зарар кўриш ва (ёки) фойданинг бир
қисмини йўқотиш эҳтимоли билан боғлиқ таваккалчиликни суғурталаш ҳуқуқига эга.

10.2.Жамиятнинг акциядорлари:

амалдаги қонунчилик ва мазкур Уставда кўзда тутилган тартибда, миқдорда ва
усулда акцияларнинг ҳақини тўлаш;

Жамиятни бошқаришда Ўзбекистон Республикасининг амалдаги қонунчилиги ва
мазкур Уставда кўзда тутилган тартибда иштирок этиш;

Жамиятнинг фаолияти тўғрисида махфий маълумотларни ошкор қилмаслик
мажбуриятларига эга.

10.3.Акциядорлар шунингдек Ўзбекистон Республикасининг амалдаги
қонунчилиги ва мазкур Уставда кўзда тутилган бошқа ҳуқуқларга ва мажбуриятларга эга
бўлади.

XI. ЖАМИЯТ БОШҚАРУВИНИНГ ТУЗИЛИШИ

11.1.Жамиятни қуйдагилар бошқаради:

Акциядорларнинг умумий йиғилиши;

Кузатув кенгаши;

Ижроия орган (Бошқарув).

XII. АКЦИЯДОРЛАРНИНГ УМУМИЙ ЙИҒИЛИШИ

12.1.Акциядорларнинг умумий йиғилиши жамиятнинг юқори бошқарув органидир.

12.2.Акциядорларнинг умумий йиғилишини жамият кузатув кенгашининг раиси, у
узрли сабабларга кўра бўлмаган тақдирда эса, жамият кузатув кенгашининг аъзоларидан
бири олиб боради.

12.3.Жамият ҳар йили акциядорларнинг умумий йиғилишини (акциядорларнинг
йиллик умумий йиғилишини) ўтказиши шарт.

12.4.Акциядорларнинг умумий ҳисобот йиғилиши молия йили тугаганидан кейин
кўпи билан олти ой ичида ўтказилади.

12.5.Акциядорларнинг йиллик умумий йиғилишида Жамиятнинг кузатув
кенгашини ва тафтиш комиссиясини сайлаш тўғрисидаги масалалар ҳал этилади,
шунингдек Ўзбекистон Республикаси “Акциядорлик жамиятлари ва акциядорларнинг
ҳуқуқларини ҳимоя қилиш тўғрисида”ги Қонунининг 59-моддаси биринчи қисмининг ўн
иккинчи ва ўн учинчи хатбошиларига мувофиқ Жамиятнинг йиллик ҳисоботи Жамият
ижроия органи ва кузатув кенгашининг Жамиятни ривожлантириш стратегиясига эришиш
бўйича кўрилаётган чора-тадбирлар тўғрисидаги ҳисоботлари ва бошқа ҳужжатлари кўриб
чиқилади.

12.6.Акциядорларнинг йиллик умумий йиғилишидан ташқари ўтказиладиган
умумий йиғилишлари навбатдан ташқари йиғилиш ҳисобланади.

12.7.Жамият овоз берувчи акцияларининг ҳаммаси бўлиб камида бир фоизига
эгаллик қилувчи акциядорлар (акциядор) Жамиятнинг молия йили тугаганидан кейин
90 (тўқсон) кундан кечиктирмай акциядорларнинг йиллик умумий йиғилиши кун
тартибига масалалар киритишга ҳамда Жамият кузатув кенгаши ва тафтиш комиссиясига
бу органнинг миқдор таркибидан ошмайдиган тарзда номзодлар кўрсатишга ҳақли.

12.8. Акциядорлар (акциядор) Жамият кузатув кенгаши ва тафтиш комиссиясига ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартиришлар киритишга ҳақли.

12.9. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати Жамиятнинг кузатув кенгаши томонидан белгиланади.

Акциядорларнинг умумий йиғилишини ўтказиш чоғида умумий йиғилишда, кун тартибидаги масалаларни муҳокама қилиш ва овозга қўйилган масалалар бўйича қарорлар қабул қилишда иштирок этиш имкониятини берадиган ахборот-коммуникация технологияларидан фойдаланилиши мумкин. Акциядорларнинг умумий йиғилишида ахборот-коммуникация технологияларидан фойдаланган ҳолда масофадан туриб иштирок этиш ва масофадан туриб электрон овоз беришнинг умумий тартиби қимматли қоғозлар бозорини тартибга солиш бўйича ваколатли давлат органи томонидан белгиланади.

12.10. Акциядорлар умумий йиғилишининг ваколат доирасига қуйидагилар киради:

Жамият уставига ўзгартиш ва қўшимчалар киритиш ёки Жамиятнинг янги тахрирдаги уставини тасдиқлаш, Жамият уставига Жамиятнинг устав фондини кўпайтириш билан боғлиқ ўзгариш ва қўшимчалар киритиш бундан мустасно;

Жамиятни қайта ташкил этиш;

Жамиятни тугатиш, тугатувчини тайинлаш ҳамда оралиқ ва якуний тугатиш балансларини тасдиқлаш;

Жамият кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

эълон қилинган акцияларнинг энг кўп миқдорини белгилаш;

Жамиятнинг устав фондини камайтириш;

ўз акцияларини олиш;

Жамиятнинг ташкилий тузилмасини тасдиқлаш;

Жамият тафтиш комиссиясининг аъзоларини сайлаш ва уларнинг ваколатларини муддатидан илгари тугатиш, шунингдек тафтиш комиссияси тўғрисидаги низомни тасдиқлаш;

мажбурий аудиторлик текширувини ўтказиш учун аудиторлик ташкилотини белгилаш, ушбу ташкилотнинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;

Жамиятнинг йиллик ҳисоботини, шунингдек Жамият фаолиятининг асосий йўналишлари ва мақсадидан келиб чиққан ҳолда Жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;

Жамиятнинг фойдаси ва зарарларини тақсимлаш;

Жамият кузатув кенгашининг ва тафтиш комиссиясининг ўз ваколат доирасига кирадиган масалалар юзасидан, шу жумладан Жамиятни бошқаришга доир қонунчиликда белгиланган талабларга риоя этилиши юзасидан Жамият кузатув кенгашининг ҳисоботларини ва тафтиш комиссиясининг хулосаларини эшитиш;

имтиёзли ҳуқуқни қўлламаслик тўғрисида Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 35-моддасида назарда тутилган қарорни қабул қилиш;

акциядорлар умумий йиғилишининг регламентини тасдиқлаш;

акцияларни майдалаш ва йириклаштириш;

Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 8 ва 9-бобларида назарда тутилган ҳолларда Жамият томонидан битимлар тузиш тўғрисида қарор қабул қилиш;

қонунчиликка мувофиқ бошқа масалаларни ҳал этиш.

Акциядорлар умумий йиғилишининг ваколат доирасига киритилган масалалар жамиятнинг ижроия органи ҳал қилиши учун берилиши мумкин эмас.

Акциядорлар умумий йиғилишининг ваколат доирасига киритилган масалалар Кузатув кенгаши ҳал қилиши учун берилиши мумкин эмас.

12.11.Акциядорлар умумий йиғилишида овозга қўйилган масалалар бўйича Жамиятнинг оддий (одатдаги) акцияларининг эгалари бўлмиш акциядорлар овоз бериш ҳуқуқига эгадир.

12.12.Акция эгаси бўлмиш акциядорга овозга қўйилган масалани ҳал этишда овоз бериш ҳуқуқини берадиган оддий (одатдаги) акция Жамиятнинг овоз берувчи акциясидир.

12.13.Овозга қўйилган масала бўйича акциядорлар умумий йиғилишининг қарори, агар қонунчиликда бошқача қоида белгиланмаган бўлса, Жамиятнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади.

12.14.Акциядорларнинг умумий йиғилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартиришлар киритишга ҳақли эмас.

12.15.Акциядорларнинг умумий йиғилишида иштирок этиш ҳуқуқига акциядорларнинг умумий йиғилиши ўтказиладиган санадан уч иш куни олдин шакллантирилган Жамият акциядорларининг реестрида қайд этилган акциядорлар эга бўлади.

12.16.Акциядорнинг талабига биноан Жамият акциядорга акциядорларнинг умумий йиғилишини ўтказиш учун шакллантирилган Жамият акциядорлари реестрига киритилганлиги тўғрисидаги ахборотни тақдим этиши шарт.

12.17.Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида йигирма бир кундан кечиктирмай, лекин узоғи билан ўттиз кун олдин Корпоратив ахборотнинг ягона порталида, жамиятнинг расмий веб-сайтида ва оммавий ахборот воситаларида эълон қилинади, шунингдек акциядорларга электрон почта орқали юборилади.

ХIII. КУЗАТУВ КЕНГАШИ

13.1.Жамиятнинг кузатув кенгаши Жамият фаолиятига умумий раҳбарлик қилади, мазкур Устав билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

13.2.Жамият кузатув кенгашининг аъзолари акциядорларнинг умумий йиғилиши томонидан уч йил муддатга сайланадилар. Жамият кузатув кенгаши аъзоларининг сони 8 кишидан иборат.

13.3.Жамиятнинг кузатув кенгаши аъзолари сайлови кумулятив овоз бериш орқали амалга оширилади. Кумулятив овоз беришда ҳар бир акциядорга тегишли овозлар сони Жамиятнинг кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлиқ беришга ёки уларни икки ва ундан ортиқ номзодлар ўртасида тақсимлашга ҳақлидир. Энг кўп овоз тўплаган номзодлар Жамият кузатув кенгаши таркибига сайланган деб ҳисобланади.

13.4.Жамият кузатув кенгаши таркибига сайланган шахслар чекланмаган тарзда қайта сайланиши мумкин.

13.5.Жамият кузатув кенгашининг раиси кузатув кенгаш аъзолари томонидан уларнинг ўзлари орасидан Жамият кузатув кенгаши аъзолари умумий сонига нисбатан кўпчилик овоз билан сайланади. Жамият кузатув кенгаши ўз раисини жама аъзоларининг кўпчилик овози билан қайта сайлашга ҳақлидир.

13.6.Жамият Бошқаруви аъзолари ва унинг шўъба ва тобе хўжалик жамиятларида меҳнат шартномаси (контракт) бўйича ишлаётган шахслар ва ушбу жамиятлар бошқарув органларининг аъзолари Жамият кузатув кенгашига сайланиши мумкин эмас.

13.7. Жамиятда меҳнат шартномаси (контракт) бўйича ишлаётган шахслар Жамият кузатув кенгаши аъзоси бўлиши мумкин эмас.

13.8. Жамият кузатув кенгашининг ваколат доирасига қуйидагилар киради:

Жамиятни ривожлантириш стратегиясига эришиш бўйича кўрилаётган чоратadbирлар тўғрисида Жамият ижроия органининг ҳисоботини мунтазам равишда эшитиб борган ҳолда Жамият фаолиятининг устувор йўналишларини белгилаш;

Жамият акциядорларининг йиллик ва навбатдан ташқари умумий йиғилишларини чақириш, Ўзбекистон Республикаси “Акциядорлик жамиятлари ва акциядорларнинг ҳуқуқлариини ҳимоя қилиш тўғрисидаги”ги Қонунининг 65-моддасининг ўн биринчи қисмида назарда тутилган ҳоллар бундан мустасно;

акциядорлар умумий йиғилишининг кун тартибини тайёрлаш;

акциядорларнинг умумий йиғилиши ўтказиладиган сана, вақт ва жойни белгилаш;

акциядорларнинг умумий йиғилиши ўтказилиши ҳақида хабар қилиш учун Жамият акциядорларининг реестрини шакллантириш санасини белгилаш;

Ўзбекистон Республикаси “Акциядорлик жамиятлари ва акциядорларнинг ҳуқуқлариини ҳимоя қилиш тўғрисидаги” Қонунининг 59-моддаси биринчи қисмининг иккинчи хатбошисида назарда тутилган масалаларни акциядорларнинг умумий йиғилиши ҳал қилиши учун киритиш;

Жамиятнинг Бошқарув раиси ва аъзоларини тайинлаш ва уларнинг ваколатларини муддатидан илгари тугатиш;

эмиссиявий қимматли қоғорларни жойлаштириш тўғрисида қарорларни қабул қилиш;

мол-мулкнинг бозор қиймати белгиланишни ташкил этиш;

амалдаги қонунчиликда ва мазкур Уставда пазарда тутилган ҳолатларда, Жамият томонидан жойлаштирилган акция ва бошқа қимматли қоғозларни сотиб олиш тўғрисида қарорларни қабул қилиш;

корпоратив маслаҳатчисини тайинлаш ва унинг фаолияти тартибини белгиловчи низомни тасдиқлаш;

Жамиятнинг йиллик бизнес-режасини тасдиқлаш;

ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;

аудиторлик текширувини ўтказиш (мажбурий аудиторлик текшируви бундан мустасно), аудиторлик ташкилотини белгилаш, унинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;

Жамиятнинг ижроия органи фаолиятига дахлдор ҳар қандай ҳужжатдан эркин фойдаланиш ва ижроия органидан кузатув кенгаши зиммасига юклатилган вазифаларни бажариш учун уларни олиш. Олинган ҳужжатлардан кузатув кенгаши ва унинг аъзолари фақат хизмат мақсадларида фойдаланишлари мумкин;

ижроия органига тўланадиган ҳақ ва компенсациялар миқдорини белгилаш;

Жамият тафтиш комиссияси аъзоларига тўланадиган ҳақ ва компенсацияларнинг миқдорлари юзасидан тавсиялар бериш;

акциялар бўйича дивидендлар миқдори ва уларни тўлаш тартиби юзасидан тавсиялар бериш;

Жамиятнинг захира ва бошқа фондларидан фойдаланиш;

Жамиятнинг бошқарув органлари фаолият тартибини белгиловчи ҳужжатларни тасдиқлаш;

Жамиятнинг филиалларини ташкил этиш ва ваколатхоналарини очиш;

Жамиятнинг шўъба ва тобе хўжалик жамиятларини ташкил этиш;

Ўзбекистон Республикаси “Акциядорлик жамиятлари ва акциядорларнинг ҳуқуқлариини ҳимоя қилиш тўғрисидаги”ги Қонунининг 8 ва 9-бобларида назарда тутилган ҳолларда битимлар тузиш ҳақида қарор қабул қилиш;

Жамиятнинг тижорат ва нотижорат ташкилотлардаги иштироки билан боғлиқ битимларни қонунчиликда белгиланган тартибда тузиш.

Жамиятнинг устав фондини (устав капиталини) кўпайтириш масалаларини, шунингдек Жамият уставига Жамиятнинг устав фондини (устав капиталини) кўпайтириш ҳамда Жамиятнинг эълон қилинган акциялари сонини камайтириш билан боғлиқ ўзгартиш ва кўшимчалар киритиш тўғрисидаги масалаларни ҳал қилиш;

Жамиятнинг корпоратив облигацияларини қайтариб сотиб олиш тўғрисида қарор қабул қилиш;

қимматли қоғозларнинг ҳосилаларини чиқариш тўғрисида қарор қабул қилиш;

Ўзбекистон Республикаси “Акциядорлик жамиятлари ва акциядорларнинг ҳуқуқлариини ҳимоя қилиш тўғрисида”ги Қонунининг 34-моддасига мувофиқ акцияларни жойлаштириш (ташқил этилган қимматли қоғозлар савдоларига чиқариш) нархини белгилаш;

Жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

қимматли қоғозлар чиқарилиши тўғрисидаги қарор ва эмиссия рисоласини тасдиқлаш;

қимматли қоғозлар чиқарилиши тўғрисидаги қарорга ва эмиссия рисоласига киритилаётган ўзгартириш ва (ёки) кўшимчалар матнини тасдиқлаш.

Жамият кузатув кенгашининг ваколат доирасига Ўзбекистон Республикаси “Акциядорлик жамиятлари ва акциядорларнинг ҳуқуқлариини ҳимоя қилиш тўғрисида”ги Қонунига мувофиқ бошқа масалаларни ҳал этиш ҳам киритилиши мумкин.

13.9. Жамият кузатув кенгашининг ваколатларига киритилган масалалар ҳал қилиш учун Жамият ижроия органига ўтказилиши мумкин эмас.

13.10. Жамият кузатув кенгашининг мажлиси кузатув кенгашининг раиси томонидан унинг ташаббусига кўра, Жамият кузатув кенгаши, тафтиш комиссияси, ижроия органи аъзосининг, Жамият ижроия органи - Бошқарувининг талабига кўра чақирилади.

13.11. Кузатув кенгаши мажлисини ўтказиш учун кворум кузатув кенгашига сайланган аъзоларнинг етмиш беш фоизидан кам бўлмаслиги керак.

13.12. Жамият кузатув кенгашининг раиси унинг ишини ташқил этади, кузатув кенгаши мажлисларини чақирилади ва уларда раислик қилади, мажлисда баённома юритилишини ташқил этади.

13.13. Жамият кузатув кенгаши раиси йўқ бўлган ҳолларда унинг вазифасини кузатув кенгаши аъзоларидан бири амалга оширади.

13.14. Жамият кузатув кенгаши мажлислари унинг раиси томонидан ҳар чоракда камида бир марта чақирилади. Заруриятга кўра Жамият кузатув кенгашининг навбатдан ташқари мажлислари ҳам ўтказилиши мумкин.

13.15. Жамият кузатув кенгашининг қарори кузатув кенгашига сайланган аъзоларнинг камида етмиш беш фоизи иштирок этганида қонуний ҳисобланади. Жамият кузатув кенгашининг мажлисида қарорлар, агар қонунчиликда бошқа ҳоллар кўзда тутилмаган бўлса, мажлисда ҳозир бўлганларнинг кўпчилик овози билан қабул қилинади.

13.16. Жамият кузатув кенгаши мажлисида масалалар ҳал этилаётганда кузатув кенгашининг ҳар бир аъзоси битта овозга эга.

13.17. Жамият кузатув кенгашининг бир аъзоси ўз овозини кузатув кенгашининг бошқа аъзосига беришига ҳақли эмас. Жамият кузатув кенгаши аъзоларининг овозлари тенг бўлган ҳолда, Жамият кузатув кенгаши раисининг овози ҳал этувчи ҳисобланади.

13.18. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай тузилади. Мажлис баённомасида қуйидагилар кўрсатилади:

мажлис ўтказилган сана, вақт ва жой;

мажлисда иштирок этадиган, шу жумладан ахборот-коммуникация технологияларидан фойдаланган ҳолда масофадан туриб иштирок этадиган шахслар;

мажлисининг кун тартиби;

овоз беришга қўйилган масалалар, улар юзасидан ўтказилган овоз бериш яқунлари; қабул қилинган қарорлар.

13.19.Жамият кузатув кенгаши мажлисининг баённомаси мажлисда иштирок этаётган Жамият кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

13.20.Жамият кузатув кенгашининг қарорлари сиртдан овоз бериш йўли билан (сўров йўли билан) Жамият кузатув кенгашининг барча аъзолари томонидан бир овоздан қабул қилиниши мумкин.

13.21.Жамият кузатув кенгаши мажлисининг баённомаси имзоланган куни Жамиятнинг ижроия органига ижро этиш учун топширилади. Кузатув кенгаши акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот Жамиятнинг ижроия органига кузатув кенгашининг мажлиси ўтказиладиган куни топширилади.

XIV. ЖАМИЯТНИНГ ИЖРОИЯ ОРГАНИ

14.1.Жамиятнинг кундалик фаолиятига раҳбарлик 3 кишидан иборат коллегиял ижроия органи (Бошқарув) томонидан амалга оширилади.

14.2.Жамият Бошқаруви таркибига жамият Бошқаруви раиси, унинг ўринбосари ва бош ҳисобчи киради.

Бошқарув таркибига Бошқарув раисининг тавсияси билан Жамият кузатув кенгашининг қарорига асосан Жамиятнинг бошқа асосий бўлинмалар бошлиқлари ҳам киритилиши мумкин.

14.3.Жамиятнинг Бошқарув раиси ва аъзоларини тайинлаш ва уларнинг ваколатларини муддатидан илгари тугатиш Кузатув кенгаши қарорига кўра амалга оширилади.

14.4.Жамиятнинг Бошқарув раиси ва Бошқарув аъзолари билан меҳнат шартномаси уч йил муддатга тузилади. Шартноманинг амал қилиш муддатини узайтириш ёки бекор қилиш мумкинлиги тўғрисида ҳар йили қарор қабул қилинади.

14.5.Жамият Бошқаруви қонунчилик, ушбу Устав ва акциядорларнинг умумий йиғилиши томонидан тасдиқланган “Ижроия органи тўғрисида”ги низоом асосида иш юритади.

14.6.Жамият Бошқаруви раиси вазифасини ҳамда бошқа ташкилотларнинг бошқарув органларидаги лавозимларни ўриндошлик йўли билан бир шахснинг эгаллашига кузатув кенгаши розилиги билангина йўл қўйилади.

14.7.Жамият Бошқаруви раиси ва аъзорлари ўз ҳуқуқларини амалга оширишда ва мажбуриятларни ижро этишда Жамият манфаатларида иш кўришлари, амалдаги қонунчиликка ва Жамиятнинг таъсис ҳужжатларига риоя қилишлари керак.

14.8.Бошқарувнинг ваколатларига Жамиятнинг жорий фаолиятига раҳбарлик қилишга доир барча масалалар киради, Акциядорлар умумий йиғилиши ёки Кузатув кенгашининг ваколат доирасига киритилган масалалар бундан мустасно.

14.9.Жамият Бошқаруви Акциядорлар умумий йиғилиши ва Кузатув кенгаши қарорларининг бажарилишини ташкиллаштиради.

14.10.Жамият Бошқаруви раиси Жамиятнинг кундалик фаолиятига раҳбарликни амалга оширади, Жамият номидан ишончномасиз иш юритади, шу жумладан унинг манфаатларини ифодалайди ва давлат муассасаларида, мулкчиликнинг турли шаклидаги корхона ва ташкилотларда Жамият ҳуқуқларини ҳимоя қилади.

14.11.Жамият Бошқаруви раиси ваколатига қуйидагилар киради:
акциядорлар умумий йиғилиши ва кузатув кенгаши қарорларининг бажарилишини ташкил этиш;

Жамият тузилмалари раҳбарларини тайинлаш;

ишчи ва ходимларга иш ҳақи ва мукофотлар миқдорини белгилаш;

ходимлар мансаб йуриқномаларини тасдиқлаш;
тасдиқланган низомга асосан ижро органи ходимларини моддий рағбатлантиришни амалга ошириш;

Жамият Устави ва кузатув кенгаши томонидан ўзига берилган ваколатларга мувофиқ Жамиятнинг ишига раҳбарлик қилиш;

Жамият номидан ишончномасиз иш юритиш ва унинг манфаатларини ҳимоя қилиш;

кузатув кенгашининг розилигига кўра унинг ишида иштирок этиш;

ходимлар штатларини тасдиқлаш, ходимларни (ишчиларни) ишга қабул қилиш, улар билан меҳнат шартномаларини тузиш ва бекор қилиш, уларга нисбатан интизомий жазо чораларини қўллаш, ходимлар томонидан меҳнат ва ижро интизомини сақлаб туришини таъминлаш;

Жамиятнинг барча ходимлари томонидан бажарилиши мажбурий булган буйруқ ва фармойишлар чиқариш ва кўрсатмалар бериш;

қонунчиликка мувофиқ Жамият фаолиятига доир маълумотларни ошкор қилиш;

Жамиятда бухгалтерия ҳисобининг ташкил этилиши, ҳолати ва ишончлилиги, тегишли органларга ҳар йилги ҳисобот ва бошқа молиявий ҳисоботлар, шунингдек Жамиятнинг расмий веб-сайтида ва оммавий ахборот воситаларида акциядорларга, кредиторларга жамият фаолияти тўғрисидаги маълумотлар ўз вақтида тақдим этилишини таъминлайди;

Жамият архиви ишини ташкил этиш ва ундаги ҳужжатлар бутлигини таъминлаш;

амалдаги қонунчиликка ҳамда Жамият ички ҳужжатларига риоя қилиш;

акциядорларнинг амалдаги қонунчиликда кўзда тутилган ахборот олиш, акциядорларнинг умумий йиғилишида иштирок этиш, дивидендлар тўлови бўйича барча ҳуқуқларига амал қилинишини таъминлайди;

Жамият мол-мулки ва пул маблағларини қонунчиликда ва Жамият ички меъёрий ҳужжатларида назарда тутилган тартибда тасарруф қилади;

Жамият номидан ишончномалар бериш;

Жамият номидан шартномалар, контрактлар ва бошқа битимлар тузади;

Ўзбекистон Республикаси банкларида ҳисоб рақами ва бошқа ҳисобларни очади;

Жамиятнинг ҳисоб-китоб ҳужжатлари ва ҳисоботларини имзолайди;

давлат статистика ҳисоботи ва бухгалтерия ҳисоботини тегишли органларга тўлиқ ва ўз вақтида тақдим этилишини таъминлайди;

Бошқарув аъзолари ўртасида вазифаларни тақсимлайди, Жамият фаолиятига оид масалаларни ҳал қилишда уларнинг ваколатларини белгилайди;

Жамиятнинг, шўба жамиятлари, филиаллари ёки ваколатхоналари раҳбарини тайинлайди;

Жамият бўлимлар ва бошқа таркибий бўлинмалар низомларини тасдиқлайди;

ходимларни мукофотлаш тўғрисидаги низомни тасдиқлайди, лавозим иш ҳақлари, уларга устамаларни, турли кўшимча тўловларни белгилайди, жамият ходимларини рағбатлантиради, шунингдек, жамият ходимларини ижтимоий ҳимоялаш мақсадида компенсация тўловларини ўрнатади;

Жамиятга суд даъволари тақдим қилиниши билан боғлиқ масалаларни кўриб чиқиш;

кундалик хўжалик фаолиятини юритиш жараёнида тузиладиган битимларни ҳамда акцияларни ва бошқа қимматли қоғозларни жойлаштириш билан боғлиқ бўлган битимларни тузади;

Қонунчилик, ушбу Устав ва “Ижроия органи (Бошқарув) тўғрисида”ги низомга мувофиқ Бошқарув раиси ваколатига кирувчи бошқа масалаларни ҳал этади.

14.12.Бошқарув раиси қуйидаги ҳуқуқларга эга:

ўз ваколатига тегишли масалалар бўйича мустақил равишда қарорлар қабул қилади;

Жамият номидан ишончномасиз иш юритади, бошқа ташкилотлар ва органлар билан ўзаро муносабатларда унинг манфаатларини ифодалайди;

мол-мулк ва пул маблағларини Уставда ёки Жамиятнинг бошқа ҳужжатларида назарда тутилган тартибда тасарруф қилади;

шартнома ва контрактлар, шу жумладан меҳнат шартномалари тузади;

ишончномалар беради;

банкларда ҳисоб рақами ва бошқа ҳисобларни очади;

қўл остидаги барча ходимлар учун мажбурий бўлган буйруқлар ва кўрсатмалар чиқаради;

Жамият Кузатув кенгашининг розилигига кўра унинг ишида маслаҳат овози билан иштирок этади;

Жамият Кузатув кенгашининг розилигига кўра бошқа ташкилотларнинг бошқарув органларида лавозимга эга бўлиши мумкин;

ҳақ олиш;

Бошқарув раиси қонунчиликка мувофиқ бошқа ҳуқуқларга ҳам эга бўлиши мумкин.

14.13.Бошқарув раисининг мажбуриятлари:

Жамият манфаатларини кўзлаб иш тутиш;

ўз мажбуриятларини у билан тузилган меҳнат шартномаси шартларига мувофиқ тегишли тарзда бажариш;

акциядорларнинг йиллик ва навбатдан ташқари умумий йиғилишларида иштирок этиш;

ўқув курслари, семинарлар ва бошқа тадбирларда иштирок этиш орқали малакасини ошириш;

акциядорларнинг умумий йиғилиши ва Жамият кузатув кенгаши қарорларининг бажарилишини назорат қилиш;

Жамиятнинг йиллик бизнес-режаси кўрсаткичларининг бажарилишини таъминлаш;

Жамият Кузатув кенгаши ва акциядорларнинг умумий йиғилиши олдида ҳисобот бериш;

акциядорларнинг амалдаги қонунчиликда кўзда тутилган ахборотларни олиш, акциядорларнинг умумий йиғилишларида иштирок этиш, дивидендлар ҳисоблаш ва тўлаш бўйича барча ҳуқуқларига риоя этилишини назорат қилиш;

қонунчиликда белгиланган тартибда Жамият фаолияти тўғрисидаги ахборотни тегишли тарзда ошкор этилишини назорат қилиш;

Жамиятнинг молия-хўжалик фаолияти тўғрисидаги ҳужжатларни Жамиятнинг Кузатув кенгаши, Тафтиш комиссияси ёки Жамият аудитори талабига кўра тақдим этилишини таъминлаш;

Бошқарув йиғилишларини ўтказишни ташкил этиш;

Жамият таркибий тузилмаларининг самарали ҳамкорлик юритишини таъминлаш;

Жамиятда бухгалтерия ҳисобининг ташкил этилиши, ҳолати ва ишончилиги, тегишли органларга йиллик ҳисобот ва бошқа молиявий ҳисоботлар ўз вақтида тақдим этилиши юзасидан назоратни амалга ошириш;

давлат статистика ҳисоботи ва бухгалтерия ҳисоботини тегишли органларга тўлиқ ва ўз вақтида тақдим этилиши юзасидан назоратни амалга ошириш;

Жамиятнинг тижорат сирини ташкил этувчи ахборотнинг сақланишини таъминлаш;

Жамият фаолияти тўғрисидаги махфий ахборотни ошкор қилмаслик;

Жамиятни малакали кадрлар билан таъминлаш, Жамият ходимларининг билими, малакаси, тажрибаси ва қобилиятларидан энг яхши фойдаланиш чораларини кўриш;

қонунчиликда белгиланган тартибда меҳнат муносабатлари билан боғлиқ масалаларнинг ҳал этилишини таъминлаш;

Жамият фаолиятида қонунчилик, ушбу Устав, “Ижроия органи тўғрисида”ги Низом ва Жамиятнинг бошқа ички ҳужжатлари талабларига риоя қилиш;

Бошқарув раиси қонунчиликка мувофиқ бошқа мажбуриятларга эга бўлиши мумкин.

14.14.Бошқарув раиси ҳар чоракда Жамият Кузатув кенгаши олдида Жамиятнинг йиллик бизнес-режасини бажариш қандай бораётганлиги юзасидан ҳисобот беради. Бошқарув раиси акциядорларнинг йиллик умумий йиғилишида молия йили яқунларига кўра Жамиятнинг молия-хўжалик фаолияти натижалари тўғрисида ҳисобот беради.

14.15.Жамият Бошқарувининг мажлисида баённома юритилади. Жамият Бошқаруви мажлисининг баённомаси Кузатув кенгашининг ва тафтиш комиссиясининг аъзолари талабига кўра уларга берилади. Жамият Бошқаруви мажлисларини ўтказишни Бошқарув раиси ташкил этади, у Жамият номидан барча ҳужжатларни ҳамда Жамият бошқаруви мажлиси баённомаларини имзолайди.

14.16.Бошқарув раиси ва Бошқарув аъзоларининг ҳуқуқ ва мажбуриятлари тегишинча қонунчиликда, Жамият Уставида ҳамда уларнинг ҳар бири Жамият билан уч йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади. Шартнома Жамият номидан Жамият Кузатув кенгашининг раиси ёки Кузатув кенгаши ваколат берган шахс томонидан имзоланади. Жамият Бошқаруви раиси билан тузиладиган шартномада унинг Жамият фаолияти самарадорлигини ошириш бўйича мажбуриятлари ҳамда Жамиятнинг йиллик бизнес-режасини бажариш қандай бораётганлиги юзасидан акциядорларнинг умумий йиғилиши ва Жамият Кузатув кенгаши олдида берадиган ҳисоботларининг даврийлиги назарда тутилиши керак.

14.17.Жамият Кузатув кенгаши Бошқарув раиси ва Бошқарув аъзолари билан тузилган шартномани, агар улар Жамият Уставини қўпол тарзда бузса ёки уларнинг ҳаракатлари (ҳаракатсизлиги) туфайли Жамиятга зарар етказилган бўлса, муддатидан илгари тугатиш (бекор қилиш) ҳуқуқига эга.

14.18.Жамиятнинг Бошқарув раисига, Бошқарув аъзоларига тўланадиган ҳақ миқдори Жамият фаолиятининг самарадорлигига тўғридан-тўғри боғлиқ бўлади ва улар билан уч йил муддатга тузиладиган шартномада ҳамда Жамиятнинг “Ижроия органи (Бошқарув) тўғрисида”ги Низомида белгиланади.

XV. ЙИРИК БИТИМЛАР. ЙИРИК БИТИМЛАР ТУЗИШ ТАРТИБИ

15.1. Жамият томонидан мол-мулкни олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ ёки ўзаро боғланган бир нечта битим, агар бошқа шахсга берилаётган мол-мулкнинг ёки олинаётган мол-мулкнинг баланс қиймати бундай битимларни тузиш тўғрисидаги қарор қабул қилинаётган санада жамият соф активлари миқдорининг ўн беш фоизидан ортигини ташкил этса, йирик битим деб ҳисобланади, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно.

15.2. Жамият томонидан мазкур Уставнинг 3.2-бандида назарда тутилган фаолиятни амалга ошириш жараёнида тузиладиган битимлар (кундалик хўжалик фаолиятини юритиш жараёнида тузиладиган битимлар) йирик битимлар деб эътироф этилмайди.

15.3. Баланс қиймати ёки олиш қиймати битим тузиш тўғрисида қарор қабул қилинаётган санада жамият соф активлари миқдорининг ўн беш фоизидан эллик фоизигачасини ташкил этувчи мол-мулк хусусида йирик битим тузиш тўғрисидаги қарор жамият кузатув кенгашининг аъзолари томонидан бир овоздан қабул қилинади, бунда кузатув кенгашидан чиқиб кетган аъзоларнинг овози инобатга олинмайди.

15.4. Йирик битим тузиш масаласи бўйича жамият кузатув кенгашининг яқдиллигига эришилмаган тақдирда йирик битим тузиш тўғрисидаги масала кузатув кенгашининг қарорига кўра акциядорларнинг умумий йиғилиши ҳал қилиши учун олиб чиқилиши мумкин.

15.5. Баланс қиймати ёки олиш қиймати битим тузиш тўғрисида қарор қабул қилинаётган санада жамият соф активлари миқдорининг эллик фоизидан ортигини ташкил этувчи мол-мулк хусусида йирик битим тузиш тўғрисидаги қарор акциядорларнинг умумий йиғилиши томонидан қабул қилинади.

15.6. Йирик битим жамият акциядорларининг умумий йиғилиши ёки кузатув кенгаши ушбу битим бўйича қарор қабул қилганидан кейин жамиятнинг ижроия органи томонидан амалга оширилади.

15.7. Қонун талаблари бузилган ҳолда тузилган йирик битим суд қарорига кўра ҳақиқий эмас деб топилиши мумкин.

XVI. ЖАМИЯТ КУЗАТУВ КЕНГАШИ АЪЗОЛАРИНИНГ, БОШҚАРУВ РАИСИНИНГ ВА БОШҚАРУВ АЪЗОЛАРИНИНГ ЖАВОБГАРЛИГИ

16.1. Жамият Кузатув кенгашининг аъзолари, Бошқарув раиси ва Бошқарув аъзолари ўз ҳуқуқларини амалга оширишда ва ўз мажбуриятларини бажаришда Жамиятнинг манфаатларини кўзлаб иш тутиши ҳамда белгиланган тартибда жавобгар бўлиши лозим. Агар бир нечта шахс жавобгар бўлса, уларнинг Жамият олдидаги жавобгарлиги солидар жавобгарлик бўлади.

16.2. Жамиятга зарар етказилишига сабаб бўлган қарорга овоз беришда иштираётган этмаган ёки ушбу қарорга қарши овоз берган Жамият Кузатув кенгаши аъзолари, Бошқарув раиси ва Бошқарув аъзолари жавобгар бўлмайди.

16.3. Жамият ёки у жойлаштирган акцияларнинг ҳаммаси бўлиб камида бир фоизига эгаллик қилувчи акциядор (акциядорлар) Жамиятга етказилган зарарларнинг ўрнини қоплаш тўғрисидаги даъво билан Жамият Кузатув кенгаши аъзоси, Бошқарув раиси ёки Бошқарув аъзоси устидан судга мурожаат қилишга ҳақли.

16.4. Кузатув кенгаши ва унинг раиси ўз ҳуқуқларини амалга оширишда ва ўз мажбуриятларини бажаришда Жамият манфаатларини кўзлаб иш тутиши лозим. Улар қонунчиликка ва ушбу уставга мувофиқ Жамият ва унинг акциядорлари олдида жавобгардир.

16.5. Бошқарув ва унинг раиси ўз ҳуқуқларини бажаришда Жамият манфаатларини кўзлаб иш амалга оширишда ва ўз мажбуриятларини тутиши лозим. Улар қонунчиликка ва ушбу уставга мувофиқ Жамият ва унинг акциядорлари олдида жавобгардир.

XVII. ФИЛИАЛЛАР, ВАКОЛАТХОНАЛАР, ШЎЪБА ВА ТОБЕ ЖАМИЯТЛАРИНИНГ ТАШКИЛ ЭТИЛИШИ ВА ИШЛАШИ ТАРТИБИ

17.1. Жамият филиаллар ва ваколатхоналар очишга ҳақли, улар Жамият томонидан мол-мулк билан таъминланади ва у тасдиқлаган Низомлар асосида иш кўради.

17.2. Филиаллар ёки ваколатхоналарнинг раҳбарлари Жамиятнинг Бошқарув раиси томонидан тайинланади ва Жамият томонидан берилган ва қонунчилик билан белгиланган тартибда расмийлаштирилган ишончномалар асосида иш кўради.

17.3. Филиаллар ҳамда ваколатхоналарнинг фаолияти учун жавобгарлик уларни тузган Жамият зиммасида бўлади.

17.4. Жамиятнинг филиаллари ҳамда ваколатхоналари тузилиши ва улар тўғрисида маълумотлар мазкур Уставда акс эттирилади ва қонунчилик билан белгиланган тартибда рўйхатдан ўтказилади.

17.5. Жамият акциядорлик жамияти ёки масъулияти чекланган жамият шаклидаги шўъба ва тобе хўжалик жамиятларига эга бўлиши мумкин.

17.6. Шўъба хўжалик жамияти Жамиятнинг қарзлари юзасидан жавобгар бўлмайди. Шўъба хўжалик жамияти Жамиятнинг айби билан ночор (банкрот) бўлиб қолган ҳолларда Жамият шўъба хўжалик жамиятининг қарзлари юзасидан субсидиар жавобгар бўлади.

17.7.Жамият ва шўъба хўжалик жамиятининг ўзаро муносабатлари шартнома билан тартибга солинади.

17.8.Жамиятнинг шўъба хўжалик жамиятига бажарилиши шарт бўлган кўрсатмаларни бериш ҳуқуқи шўъба хўжалик жамияти билан тузилган шартномада ёки шўъба хўжалик жамиятининг уставида кўзда тутилган тақдирдагина асосий Жамият бундай ҳуқуққа эга деб ҳисобланади.

ХVIII. ЙИЛЛИК ҲИСОБОТЛАРНИ ТУЗИШ, ТЕКШИРИШ ВА ТАСДИҚЛАШ ТАРТИБИ

18.1.Жамият қонунчиликда белгиланган тартибда бухгалтерия ҳисоб-китобини юритиши ва молия ҳисоботини тақдим этиши шарт.

18.2.Жамиятда бухгалтерия ҳисобининг ташкил этилиши, ҳолати ва ишончилиги, тегишли органларга ҳар йилги ҳисобот ва бошқа молиявий ҳисоботлар, шунингдек Жамиятнинг расмий веб-сайтида ва оммавий ахборот воситаларида акциядорларга, кредиторларга тақдим этиладиган Жамият фаолияти тўғрисидаги маълумотлар ўз вақтида тақдим этилиши учун жавобгарлик жамият ижроия органининг зиммасида бўлади.

18.3.Жамиятнинг молиявий ҳисоботида кўрсатилган ва акциядорларнинг умумий йиғилишига тақдим этиладиган молиявий ҳисоботдаги, бухгалтерия балансидаги, фойда ва зарарлар ҳисобварағидаги маълумотларнинг ишончилиги мулкӣ манфаатлари Жамият ёки унинг акциядорлари билан боғлиқ бўлмаган аудиторлик ташкилоти томонидан тасдиқланган бўлиши керак.

18.4.Жамиятнинг молиявий-хўжалик фаолияти устидан назоратни амалга ошириш учун акциядорларнинг умумий йиғилиши томонидан мазкур Уставга мувофиқ 3 аъзо таркибида уч йил муддатга тафтиш комиссияси сайланади.

18.5.Жамият тафтиш комиссияси аъзоларига доир малака талаблари акциядорларнинг умумий йиғилиши томонидан белгиланади. Айни бир шахс Жамиятнинг тафтиш комиссияси таркибига кетма-кет уч мартадан ортиқ сайланиши мумкин эмас.

18.6.Жамиятнинг тафтиш комиссиясининг ваколатлари қонунчилик билан ва “Тафтиш комиссияси тўғрисида”ги Низом билан белгилаб берилади.

18.7.Жамиятнинг тафтиш комиссияси фаолиятининг тартиби акциядорлар умумий йиғилиши томонидан тасдиқланадиган “Тафтиш комиссияси тўғрисида”ги Низомда белгилаб қўйилади.

18.8.Жамиятнинг молия-хўжалик фаолиятини текшириш тафтиш комиссиясининг, акциядорлар умумий йиғилишининг, жамият кузатув кенгашининг ташаббусига кўра ёки Жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра Жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият яқунлари бўйича амалга оширилади.

18.9.Жамиятнинг тафтиш комиссиясининг талабига биноан Жамиятнинг бошқарув органларидаги мансабдор шахслар молия-хўжалик фаолияти тўғрисидаги ҳужжатларни тафтиш комиссиясига тақдим этишлари шарт.

18.10.Жамиятнинг тафтиш комиссияси Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” Қонунининг 65-моддасига мувофиқ акциядорларнинг навбатдан ташқари умумий йиғилиши чақирилишини талаб қилишга ҳақли.

18.11.Жамиятнинг тафтиш комиссиясининг аъзолари бир вақтнинг ўзида Жамият кузатув кенгашининг аъзоси бўлиши, шунингдек айни шу Жамиятда меҳнат шартномаси (контракт) бўйича ишлаши мумкин эмас.

18.12.Жамият активларининг баланс қиймати энг кам иш ҳақи миқдорининг юз минг баробаридан кўп бўлганида, ички аудит хизмати ташкил этилади. Ички аудит хизмати Жамиятнинг кузатув кенгашига ҳисобдордир.

18.13.Ички аудит хизмати Жамиятнинг ижроия органи, ваколатхоналари ва филиаллари томонидан қонунчиликка, таъсис ҳужжатлари ва бошқа ҳужжатларга риоя этилишини, бухгалтерия ҳисоби ва молиявий ҳисоботларда маълумотларнинг тўлиқ ҳамда тўғри акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек Жамиятни бошқариш юзасидан қонунчиликда белгиланган талабларга риоя этилишини текшириш ва бу борада мониторинг олиб бориш орқали Жамиятнинг ижроия органи, ваколатхоналари ва филиаллари ишини назорат қилади ҳамда баҳолайди.

18.14.Ички аудит хизмати ўз фаолиятини Ўзбекистон Республикаси Вазирлар Маҳкамаси томонидан белгиланадиган тартибга мувофиқ амалга оширади.

18.15.Жамият Халқаро молиявий ҳисобот стандартларига мувофиқ тузилган йиллик молиявий ҳисоботни у Халқаро аудит стандартларига мувофиқ ташқи аудитдан ўтказилганидан кейин, акциядорларнинг йиллик умумий йиғилиши ўтказиладиган санадан камида икки ҳафта олдин эълон қилиши шарт.

18.16.Аудиторлик ташкилоти жамият билан тузилган шартномага мувофиқ қонунчиликда белгиланган тартибда Жамиятнинг молия-хўжалик фаолиятини текширади ва унга аудиторлик хулосаси тақдим этади.

18.17.Аудиторлик ташкилоти Жамиятнинг молиявий ҳисоботи ва молияга доир бошқа ахборотлар ҳақида нотўғри яқун баён этилган аудиторлик хулосаси тузганлик оқибатида етказилган зарар учун Жамият олдида жавобгар бўлади.

ХІХ. ЖАМИЯТНИНГ КОРПОРАТИВ МАСЛАҲАТЧИСИ

19.1. Жамиятда Жамият кузатув кенгашига ҳисобдор бўлган ва корпоратив қонунчиликка риоя этилиши устидан назорат қилиш вазифасини бажарувчи корпоратив маслаҳатчиси лавозими жорий этилиши мумкин.

19.2. Жамият корпоратив маслаҳатчисининг фаолияти Жамият кузатув кенгаши томонидан тасдиқланган низом асосида амалга оширилади.

XX. ЖАМИЯТНИ ҚАЙТА ТАШКИЛ ЭТИШ ВА ТУГАТИШ ТАРТИБИ

20.1.Жамиятни қайта ташкил этиш акциядорлар умумий йиғилишининг қарори билан қўшиб юбориш, бирлаштириш, бўлиш, ажратиб чиқариш ва қайта тузиш тарзида амалга оширилади.

20.2.Қонунчиликда белгиланган ҳолларда юридик шахсларни қўшиб юбориш, бирлаштириш ёки қайта тузиш тарзида қайта ташкил этиш ваколатли давлат органларининг розилиги билангина амалга оширилиши мумкин.

20.3.Жамият янги тузилган юридик шахслар давлат рўйхатига олинган пайтдан эътиборан қайта ташкил этилган деб ҳисобланади, бирлаштириш тарзида қайта ташкил этиш бундан мустасно.

20.4.Жамият бошқа жамиятга қўшиб юбориш йўли билан қайта ташкил этилганида давлат рўйхатга олиш органи қўшилиб юборилган жамият ўз фаолиятини тўхтатгани ҳақидаги ёзувни юридик шахсларнинг ягона давлат реестрига киритган пайтдан эътиборан қўшиб юборилган жамият қайта ташкил этилган деб ҳисобланади.

20.5.Қайта ташкил этиш натижасида янгидан вужудга келган жамиятларни давлат рўйхатидан ўтказиш ҳамда қайта ташкил этилган жамиятларнинг фаолияти тўхтатилгани тўғрисидаги ёзувни киритиш қонунчиликда белгиланган тартибда амалга оширилади.

20.6.Қайта ташкил этиш тўғрисида қарор қабул қилинган санадан эътиборан жамият 30 кундан кечиктирмай ўз кредиторларини бу ҳақда ёзма равишда хабардор этади. Кредитор жамиятдан мажбуриятларни тўхтатиш ёки муддатидан илгари бажаришни ҳамда зарарнинг ўрнини қоплашни қуйидаги муддатларда ёзма равишда хабар бериш йўли билан талаб қилишга ҳақлидир:

кўшиб юбориш, бирлаштириш ёки қайта тузиш тарзида қайта ташкил этиш ҳақидаги хабарни Жамият кредиторга юборган санадан бошлаб узоғи билан 30 кун ичида;

бўлиш ёки ажратиб чиқариш тарзида қайта ташкил этиш тўғрисидаги хабарни Жамият кредиторга юборган санадан бошлаб узоғи билан 60 кун ичида.

20.7.Агар бўлиниш баланси қайта ташкил этилаётган жамиятнинг ҳуқуқий ворисини аниқлаш имконини бермаса, янги вужудга келган юридик шахслар қайта ташкил этилган жамиятнинг мажбуриятлари юзасидан унинг кредиторлари олдида солидар жавобгар бўладилар.

20.8.Жамиятни тугатиш қуйидаги ҳолларда амалга оширилади;

Акциядорларнинг умумий йиғилишининг қарорига кўра;

Жамиятнинг ташкил этилиши пайтида йўл қўйилган қонунчилик ҳужжатларининг бузилиши ва уларни тузатиш мумкин эмаслиги туфайли, фаолиятининг маълум турларини тегишли рухсатномаларсиз амалга ошириши ёки қонунчилик билан тақиқланган фаолият турларини амалга ошириши ҳолатида, шу каби ва бошқа ҳолатларда суднинг қарорига кўра.

20.9.Жамиятни тугатиш унинг ҳуқуқ ва мажбуриятлари ҳуқуқий ворислик тартибида бошқа шахсларга ўтмаган ҳолда фаолиятининг тўхтатилишига олиб келади.

20.10.Жамият ихтиёрий равишда тугатилган тақдирда, унинг кузатув кенгаши акциядорлар умумий йиғилишининг ҳукмига жамиятни тугатиш ва тугатувчини тайинлаш тўғрисидаги масалани ҳавола этади. Жамиятнинг акциядорларининг умумий йиғилиши тугатиш тўғрисида ва тугатувчини тайинлаш ҳақида қарор қабул қилади.

20.11.Жамият суднинг қарори билан тугатилганда тугатувчини тайинлаш қонунчиликда белгиланган тартибда амалга оширилади.

20.12.Тугатувчи тайинланган пайтдан эътиборан Жамият ишларини бошқариш бўйича барча ваколатлар тугатувчига ўтади. Тугатувчи тугатилаётган жамият номидан судда иштирок этади.

20.13.Жамиятни тугатиш Ўзбекистон Республикасининг амалдаги қонунчилигига мувофиқ амалга оширилади.

"AGRO FINANS LIZING" АЖ
Бошқарув раиси



Н.И.Бегматов





Тикилган-Мухирланган:
Бошқарув раиси

Бонн 2008 йили
[Handwritten signature]

[Faint handwritten notes and signatures at the bottom of the page]

Yuridik shaxsni davlat ro'yxatidan o'tkazilganligi to'g'risidagi



GUVOHNOMA

Yuridik shaxs

"AGRO FINANS LIZING" AKSIYADORLIK JAMIYATI

Tashkiliy-huquqiy shakli ko'rsatilgan holda yuridik shaxs - tadbirkorlik subyekting to'liq nomi

"AGRO FINANS LIZING" AJ

Yuridik shaxsning qisqartirilgan nomi

206 219 586

Soliq to'lovchining identifikatsiya raqami (STIR)

Tashkil etish (qayta tashkil etish, boshqa ro'yxatga olish, axborotni o'zgartirish)

17.03.2006

Sana

2048743

Tasdiqlandi

Tashkiliy-huquqiy shakli:

AKSIYADORLIK JAMIYATI

Faoliyat yuritadigan manzil:

TOSHKENT SHAHRI, CHILONZOR TUMANI, 3-KATTA CHILONZOR МФЙ, 3 МАВЗЕСИ, 74-УЙ

Tomonidan berilgan:

CHILONZOR TUMANI DAVLAT XIZMATLARI MARKAZI

669591

